

樂

菴

語

錄

樂庵語錄

四庫全書珍本初集

子部
雜家類

欽定四庫全書

子部十

提要

樂菴語錄

雜家類一 雜學之屬

臣等謹案樂菴語錄五卷宋龔昱撰昱字立

道崑山人從學於李衡錄衡平日講學之語

為此書樂菴者衡所居也衡為學以論語為

本嘗有得於洛人趙孝孫之說孝孫之父受

業伊川故衡亦淵源程氏所著周易義海撮

要已別著錄是編闡明理學間論詩文亦有
涉及二氏者如因緣地獄諸說未能粹然無
疵而起悟處自非淺人所及卷末載衡本傳
及遺事數則又有吳仁傑後序王蘭孫僑游
洛周必大范成大王遂劉焯諸人跋語甚詳
觀其抗章論事不避權貴臨歿從容篤於任
卹真能脫然於富貴生死之際以之印證所
言庶幾躬行實踐非空談性命者可比仁傑

後序云吾友龔君立道篤意於學從先生游者六年聞微言要指必書於策亦可謂不忘其師者矣明方鵬崑山人物志稱昱蔚有文學安貧樂道鄉人謂之龔山長所居曰棲間堂陸游劉過皆為賦詩云乾隆四十七年二月恭校上

總纂官

臣紀昀臣陸錫熊臣孫士毅

總校官

臣陸費墀

自是越其歲月而後人知此水未嘗有也
至如新羅國無此水而西人亦不
知此水之入脈實無此水而西人亦不
知此水之入脈實無此水而西人亦不
知此水之入脈實無此水而西人亦不
知此水之入脈實無此水而西人亦不
知此水之入脈實無此水而西人亦不
知此水之入脈實無此水而西人亦不

欽定四庫全書

樂菴語錄卷一

宋 龔昱 編

先生曰宣和庚子歲某以舍選貢京師入辟雖肄業率性齋同舍生趙孝孫仲修者洛人伊川先生高弟趙顥子之子也於某有十年之長辛丑春同試南宮仲修中優選而某被黜落仲修勉之曰公盛年一跌庸何傷姑歸讀書可也且曰公曾讀論語否某意頗不

懌即應之曰三尺之童皆讀此何必某仲修笑曰公
既知讀此果曾從頭理會否且道學而時習之一句
以何者為學某未知所對仲修徐曰所謂學者非記
問誦說之謂非絺章繪句之謂所以學聖人也既欲
學聖人不可有作輟之偽出入起居之時學也飲食
遊觀之時學也疾病死生之時亦學也人須是識得
造次必於是顛沛必於是立則見其參於前在輿則
見其倚於衡方可以學聖人某聞其言頓若有悟請

益曰為學之道敬聞命矣敢問事業何如仲修曰事業正自為學中來今且未要論大事只如作一郡若行得論語中三句便做箇好知州先生曰願聞之仲修曰道千乘之國敬事而信節用而愛人使民以時是也千乘之國若今之一州果能行此如何做得不好先生佩服其言每曰吾平生操心行已立朝事君皆趙公之言有以發之

先生蚤歲嘗問胡靖元績曰人皆悅生惡死死果足畏

耶元績曰死何足畏人之所以畏死者無他只自惑於釋氏天堂地獄之說我若無罪何畏之有先生曰如何可使無罪元績曰但於顏子非禮勿視非禮勿聽非禮勿言非禮勿動處再三體驗自然無罪先生是其言常書之座右飲食起居以自省云

或問如何是道先生曰世所謂學道者往往外求不知向外去又那得道若能於父子親於君臣義於夫婦和於兄弟敬於朋友信只此便是道何必他求今人

更不去人倫上尋討但曰吾學道亦惑矣

人理會得一箇誠字便是天理中人不可只作不妄語說中庸言誠則明孟子言反身而誠樂莫大焉到這般田地上多少快活僕曰畢竟如何先生曰別有甚難曉處只是一念不動若妄念一生便不是誠

或問如何是天命之謂性先生曰此一句要說出之謂二字天命你的便是你之性不干天事

揚子雲著書首言學行之上也學而不行與不學同今

人讀書作文豈不是學至於聖賢事業則不能行所
閱者紙上語耳何益於事

瞿曇自謂從曠大劫來種種修行後來只得箇一念不
動方能成道雖然如是若只守著一念不動乃是箇
土木人易言寂然不動必繼之以感而遂通天下之
故人須是理會得這箇道理

或曰漢高祖言陳平智有餘而難獨任五常中惟智不
可有餘智有餘則流於小人所以難獨任先生曰豈

獨智不可有餘仁有餘則流而為姑息義有餘則流而為忍人禮有餘則異在床下信有餘則如尾生矣大凡作事只是適中便了若有餘於此則不足於彼人讀書須是識字固有讀書而不識字者如漢之孔光張禹唐之許敬宗柳宗元非不讀書但不識字或問其說先生曰孔光不識進退字張禹不識剛正字許敬宗不識忠孝字柳宗元不識節義字

惟辟作威固是如此紂之作威殺戮豈不是作威乃以

此得罪天下後世惟有德然後可以作威故曰德威
惟畏

學者當以心明經不當以經明經

西都無三傑則四皓不得高卧東都無寇鄧則子陵不
得終隱

或問如何是天得一以清先生曰夫物不一而各有其
一如日月之照臨星辰之輝粲風雷之鼓舞雨露之
滲漉各有其一而不相亂天惟得此不一之一是以

清淨無為而化推此言之地得一以寧神得一以靈
谷得一以盈萬物得一以生侯王得一以為天下正
亦只是這箇道理且如人君治天下亦何容心哉公
卿大夫各依其等列士農工商各就其職分如此則
尊卑貴賤不相混殽好惡取舍不相貿亂天下自然
而治

天地之性人為貴當作兩句讀宇宙之間一切所有之
物皆具天地之性虎狼有父子之仁螻螳有君臣之

義睢鳩有夫婦之別鴻鴈有兄弟之序倉庚有朋友之情若此者豈非天地之性而人獨為貴者何哉物得其偏人得其全也

或問孟子盡心之說先生曰一念不動便是盡心處或人未悟先生曰人生而靜天之性也感物而動性之情也人之真性了無一物一或翳之懵不之覺若不為物所動則妄念情欲廓然自除非盡心而何

孔子曰朝聞道夕死可矣道是何物聞何所聞易曰通

乎晝夜之道而知又曰原始反終故知死生之說只這箇便是道有生必有死猶有晝必有夜能通死生於一理則可以死矣人所以貪生惡死者無他只為不聞這箇道理

孔子對顏淵問仁曰克己復禮為仁一日克己復禮天下歸仁焉必繼之曰為仁由己而由人乎哉堯舜非不克己而不能詔其子禹非不克己而不能諍其父周公非不克己而不能化其兄須是他自肯始得